

# Newtbec

NEW WAY OF BEING CHURCH **Hari Minggu Paskah Kedua (Belas Kasihan Ilahi)**

**HARAPAN: PERCAYA, HIDUP DAN MEMBERI**

TEMA BULANAN: **BANGKIT DALAM PENGHARAPAN**

## SATU DI HATI DAN JIWA

"Kumpulan orang yang telah percaya itu, mereka sehati dan sejiwa (Kisah 4:32)." Sememangnya satu kenyataan yang membangkitkan pemikiran. Ini membuat kita memikirkan masyarakat kita sendiri. Adakah anda dan saya sehati dan sejiwa? Anda boleh mengatakan bahawa ia lebih senang diucapkan daripada dilakukan. Namun itu tidak bermakna kita tidak seharusnya mencuba.



### PETIKAN TULISAN SUCI UNTUK DIHAFAL:

Kata Yesus kepadanya: "Kerana engkau telah melihat Aku, maka engkau percaya. Berbahagialah mereka yang tidak melihat, namun percaya."

(Yohanes 20: 29)

Lukas menekankan kebaikan-kebaikan komuniti yang pertama di Yerusalem. Mereka yang mengikuti Tuhan Yesus menjalankan kehidupan di kalangan para-para rasul setelah kebangkitan-Nya dan mereka dirahmati pada masa itu. Mereka memecah roti dan berdoa bersama-sama. Mereka berkongsi apa yang dimiliki atau dijual dan tiada sesiapa yang dalam kekurangan. Mereka menjalankan kehidupan tanpa mengambil kira benda-benda duniawi dan keselesaan sendiri dan saling menjaga keperluan masing-masing. Cara hidup mereka mengatasi tanggungjawab sosial yang kita megah-megahkan hari ini.

Di dalam suratnya, Yohanes memberitahu bahawa kita adalah anak-anak Tuhan kerana kita mempercayai Yesus. Sebagai anak-anak Tuhan, kita hidup sepenuhnya dalam Kebenaran dan kita menjalani Cinta Kasih yang tulen kerana kita bersatu dengan Tuhan. Komuniti itu adalah keluarga Tuhan. Sama seperti kita mengasihi Tuhan Bapa kita, kita juga mengasihi saudara-saudari kita dalam Kristus. Cabaran itu wujud, bagaimanakah kita menunjukkan cinta kasih itu sebagai anak-anak Tuhan? Kami mengikuti perintah-perintah-Nya. Perintah-perintah-Nya tidak membebankan bagi semua yang dilahirkan dari Tuhan. Kita juga boleh menjalankan kehidupan yang berrahmat jika kita izinkan. Percayalah!

**Yesus menyanan kita mempercayai dan tidak ragu-ragu lagi.** Sama sebagaimana Tuhan menghembuskan nyawa ke dalam Adam di permulaan, Yesus yang dibangkitkan telah memberikan kehidupan baru kepada kita, menciptakan satu dunia yang baru, satu badan rohani, malah berkongsi kemuliaan dan kemenangannya dengan kita. Kita adalah Gereja, Orang-orang yang Baru. Dan melalui rahmat dan cinta kasih Ilahi-Nya kepada kita, Tuhan mengurniakan hadiah yang teragung kepada Gereja - iaitu kuasa untuk mengampunkan dosa, membebaskan dan menyucikan umat-umat-Nya daripada beban penderitaan manusia, yang menjalani kehidupan berdosa dan memberikan kita kehidupan rohani yang lebih memuaskan supaya kita mampu bersekutu dengan Tuhan dan jiran-jiran kita. ✚

### AYAT SUCI MINGGU INI

Kisah Para Rasul 4: 32-35;

Mazmur 117: 2-4, 15-18, 22-24;

1 Yohanes 5: 1-6;

Yohanes 20: 19-31